



Gwahoddiad i dendro ar gyfer darparu Gwasanaethau Rheoli Prosiect a Chynhyrchu Cynnwys Digidol ar gyfer Ymgyrch #Iaith2020 S4C

Cyhoeddwyd:

Dydd Llun 4 Tachwedd 2019

Dyddiad cau ar gyfer
derbyn ceisiadau am eglurhad:

Dydd Llun 25 Tachwedd am 12:00
canol dydd

Dyddiad cau ar gyfer
cyflwyno tendrau:

Dydd Llun 9 Rhagfyr 2019 am 12:00
canol dydd

Cyflwyniad

Mae'r ddogfen hon yn gwahodd ceisiadau gan gwmnïau a sefydliadau y mae ganddynt ddiddordeb mewn cyflenwi ac sy'n gallu cyflenwi **gwasanaethau cynhyrchu cynnwys digidol a rheoli prosiect ar gyfer ymgyrch aml-gyfrwng** i S4C, fel y disgrifir yn fwy penodol yn y tudalennau nesaf.

Mae'r Gwahoddiad i Dendro ("GID") yma yn cynnwys y rhannau canlynol:

Rhan 1	Gwybodaeth Gefndirol
Rhan 2	Gwybodaeth Bellach am y Cytundeb
Rhan 3	Gwybodaeth i'w Chynnwys yn yr Ymateb i'r Tendr
Rhan 4	Amlinelliad y Broses Dendro a Cheisiadau am Wybodaeth Bellach
Rhan 5	Meini Prawf Gwerthuso a Gwobrwyo'r Cytundeb
Rhan 6	Nodiadau Cyfreithiol

Atodiad 1	Cytundeb Drafft
Atodiad 2	Matrics Gwerthuso
Atodiad 3	Ffurflen Wybodaeth Sylfaenol

Darllenwch y Gwahoddiad i Dendro yma yn ofalus. Mae'n bosib na fydd ymatebion i'r tendr nad ydynt yn cydymffurfio â gofynion y Gwahoddiad i Dendro yma yn cael eu hystyried.

Mae'r broses dendr yma, gan gynnwys y Gwahoddiad i Dendr yma, yn ddarostyngedig i'r Nodiadau Cyfreithiol a nodir yn Rhan 6.



Rhan 1 Gwybodaeth Gefndirol

1.1 S4C

S4C yw'r unig sianel deledu Gymraeg yn y byd ac un o'r pum darlledwr teledu gwasanaeth cyhoeddus yn y DU. Mae'n awdurdod darlledu annibynnol a sefydlwyd o dan Ddeddf Darlledu 1981, ac mae'n cael ei rheoleiddio gan Ddeddf Gyfathrebu 2003 a'r Ddeddf Darlledu 1990.

Mae S4C yn darparu ystod eang o raglenni amrywiol o safon uchel. Mae'r sianel yn darlledu dros 115 awr o raglenni Cymraeg bob wythnos. Mae rhaglenni S4C ar gael i'w gwyllo'n fyw ar wefan S4C trwy fandllydan a'r gwasanaeth gwyllo ar alw ar wefan s4c.cymru, trwy iPlayer y BBC ac ar YouView, teledu clyfar, Sky, Freeview a nifer o blatfformau eraill.

Mae S4C wedi'i hariannu mewn ffordd unigryw trwy gymysgedd o arian grant, incwm masnachol a hysbysebu. Yn ogystal mae'r BBC yn darparu 10 awr o raglenni Cymraeg i S4C wedi ei ariannu gan y ffi drwydded.

Am ragor o wybodaeth am S4C, fe'ch cyfeirir at Adroddiad Blynyddol 2018/19, sydd ar gael ar wefan S4C (s4c.cymru), neu cysylltwch â:

Gwifren Gwylwyr
S4C
Uned 1
Doc Fictoria
Caernarfon
Gwynedd
LL55 1TH

Ffôn: 0370 600 4141

1.2 Yr Adran Gyfathrebu

Cynigir y tendr hwn gan yr Adran Gyfathrebu yn S4C. Mae'r Adran Gyfathrebu yn gyfrifol am hyrwyddo pob agwedd o S4C i'r gynulleidfa gyhoeddus gyffredinol ac mae wedi ymrwymo i gefnogi brand S4C a hyrwyddo rhagoriaeth greadigol.

1.3 Gwybodaeth am Gefndir y Cytundeb

Mae S4C yn edrych i ymrwymo i gytundeb ar gyfer cynhyrchu cynnwys digidol a rheoli prosiect ymgyrch farchnata aml-gyfrwng #Iaith2020 S4C ("yr Ymgyrch") sy'n rhedeg o Ionawr 2020 drwy gydol y flwyddyn galendr.

Nod yr Ymgyrch

Nod strategol yr Ymgyrch yw atgyfnerthu gwerth craidd S4C o ran dathlu'r Gymraeg a chynyddu'r nifer o wylwyr drwy greu sgwrs genedlaethol am hunaniaeth, diwylliant a rôl yr iaith Gymraeg heddiw.

Drwy osod nod strategol ar gyfer yr iaith, mae hyn yn rhoi cyfle i S4C dynnu sylw at ei bwynt gwerthu unigryw fel yr unig ddarlledwr Cymraeg yn y byd a chefnogi strategaeth tymor hir Llywodraeth Cymru i gynyddu'r nifer o siaradwyr Cymraeg.

Yn erbyn cefndir o newid digynsail, mae S4C am adnewyddu ei safle fel conglfaen y Gymraeg i bawb, beth bynnag fo gallu ieithyddol pobl. Drwy greu a chynnal sgwrs am y Gymraeg, nod S4C yw i:

- Greu trafodaeth am hunaniaeth Gymreig a'r iaith drwy ystod o lwyfannau;
- Sbarduno diddordeb pobl mewn siarad a dysgu Cymraeg a darganfod mwy am dreftadaeth a diwylliant Cymru;
- Chwalu'r rhwystrau rhwng siaradwyr Cymraeg a'r di-Gymraeg drwy ail-leoli agweddau a chanfyddiadau; a
- Chynyddu ffigyrau gwyllo llinol a digidol S4C ac S4C Clic, gwasanaeth chwaraewr y sianel.

Drwy'r Ymgyrch, bydd siaradwyr Cymraeg a'r di-Gymraeg yn cael cyfle i gymryd rhan mewn trafodaeth am rôl yr iaith yn ein hunaniaeth a'n dyfodol. Bydd y sgwrs yn seiliedig ar flwyddyn o raglennu a fydd yn codi proffil yr iaith ac yn cynnig ffyrdd o ymgysylltu drwy ddull aml-blatform.

Bydd dwy gyfres cyweirnod yn ymddangos yn amserlen S4C yn ystod cyfnod yr Ymgyrch:

- 'Iaith ar Daith' – cyfres yn cynnwys parau o enwogion gwahanol (un siaradwr Cymraeg ac un dysgwr Cymraeg) yn teithio drwy Gymru yn ymgymryd â heriau iaith (a fwriedir i'w darlledu yng Ngwanwyn 2020); a
- 'Hanes yr Iaith' – cyfres ddogfen fanwl am hanes yr iaith Gymraeg (a fwriedir i'w darlledu yn Hydref 2020).

Bydd themâu'r gyfres yn cael eu hadlewyrchu ar draws amserlenni S4C ar y sgrin ac yn ddigidol drwy gydol cyfnod yr Ymgyrch, yn ogystal ag ystod o gyfleoedd i bobl gymryd rhan drwy gynnwys wedi'i gomisiynu a chynnwys wedi'i gynhyrchu gan gyfranwyr (UGC) ar draws gwahanol lwyfannau.

Bydd y ddwy gyfres hyn yn cyflwyno cyfleoedd i amlygu'r Ymgyrch ar wahanol adegau yn y flwyddyn drwy weithgareddau digidol a gweithgareddau mwy traddodiadol. Nod yr Ymgyrch yw cefnogi ac ategu'r rhaglenni ar-sgrin a digidol.

Negeseuon Craidd

Dylai'r Ymgyrch greu sgwrs am hunaniaeth Gymreig trwy brism yr iaith a gofyn y cwestiynau canlynol i'r gynulleidfa:

- Beth mae bod yn Gymraeg neu fyw yng Nghymru yn 2020 yn ei olygu?
- Beth mae'r iaith yn ei olygu i siaradwyr a'r rhai nad ydynt yn siarad Cymraeg?
- Wrth i Gymru ddod yn fwy amrywiol, pa rôl y mae'r iaith yn ei chwarae o ran cofleidio ac annog yr amrywiaeth hwn?
- Beth yw'r prif rwystrau i ddefnyddio'r iaith a sut ydym yn eu goresgyn?
- Sut ydyn ni'n ymgysylltu'n benodol â phobl iau yn y drafodaeth hon?

Cynulleidfa Darged

Dylid anelu'r ymgyrch at y cynulleidfaoedd targed canlynol:

- Rhai di-Gymraeg – chwalu canfyddiadau a rhwystrau i ymgysylltu ag S4C a'u denu i weld cynnwys S4C a chymryd rhan yn y sgwrs;
- Defnyddwyr ysgafn (iaith a gwylwyr S4C) – cynyddu ymgysylltiad â'r sianel a chodi dealltwriaeth o'r hyn fydd yn eu hysgogi i wyllo mwy o raglenni; a
- Cynulleidfa graidd S4C – i ail-gadarnhau safbwynt S4C yng nghalon yr iaith a'u hannog i rannu'r profiad positif o fywyd dwyieithog.

Rhwydweithiau Cymorth

Bydd disgwyl i'r Tindrwr Ilwyddiannus gydweithredu a/neu gydweithio â'r rhwydweithiau ategol canlynol fel rhan o'i strategaeth partneriaethau:

- Dylanwadwyr a chymunedau ar-lein;
- Rhanddeiliaid, Grwpiau Cynrychioliadol a Phartneriaid sydd â dylanwad a diddordeb mewn caffael iaith, er enghraifft:
 - o Y Ganolfan Dysgu Cymraeg
 - o Urdd Gobaith Cymru
 - o Eisteddfod Genedlaethol
 - o Mentrau Iaith Cymru;
- Rhanddeiliaid, Grwpiau Cynrychioliadol a Phartneriaid sy'n cysylltu'n rheolaidd â'r prif gynulleidfaoedd targed, er enghraifft:
 - o Ysgolion a cholegau
 - o Mudiad Meithrin
 - o CFFI Cymru
 - o Merched y Wawr; a
- Rhanddeiliaid mewnol ar draws sector cynhyrchu Cymru sy'n gyfrifol am ddatblygu cynnwys a rhaglennu'n uniongyrchol mewn perthynas â'r ymgyrch a/neu yn ei chefnogi e.e. Boom Cymru TV a Rondo Media.

Amcanion y Cytundeb

Bydd disgwyl i'r Tindrwr Ilwyddiannus:

- Rheoli prosiect yr Ymgyrch, drwy ddatblygu a gweithredu strategaeth cyfryngau, y wasg a chysylltiadau cyhoeddus;
- Datblygu a gweithredu 'strategaeth cynnwys greadigol' ar gyfer yr Ymgyrch, gan gynnwys datblygu a chyfleu cynnwys digidol;
- Cefnogi S4C i ymgysylltu â phartneriaid a rhanddeiliaid gyda'r Ymgyrch i sicrhau'r cyrhaeddiad mwyaf posibl; a
- Datblygu a gweithredu strategaeth fonitro a gwerthuso i olrhain ymwybyddiaeth o'r Ymgyrch drwy gydol y flwyddyn.

Gellir dod o hyd i fwy o wybodaeth am y cytundeb ac anghenion S4C yn Rhan 2.

Rhan 2 Gwybodaeth Bellach am y Cytundeb

2.1 Cwmpas y cytundeb

Bydd gofyn i'r Tendirwr llwyddiannus ddatblygu a gweithredu strategaeth farchnata aml-gyfrwng integredig ar gyfer yr ymgyrch #Iaith2020. Prif ofynion y cytundeb yw:

A) Rheoli Prosiect yr Ymgyrch

Bydd gofyn i'r Tendirwr llwyddiannus:

- Ddatblygu a gweithredu brand a hunaniaeth ar gyfer yr Ymgyrch;
- Datblygu a gweithredu strategaeth cyfryngau (gan gynnwys strategaeth cyfryngau cymdeithasol) ar gyfer lledaenu cynnwys digidol a deunyddiau eraill yr Ymgyrch, a all gynnwys sianeli a phlatfformau cyfryngau newydd a/neu bresennol; a
- Datblygu a gweithredu cynllun y wasg a chysylltiadau cyhoeddus ar gyfer yr Ymgyrch, a all gynnwys datganiadau i'r wasg, deunyddiau print, digwyddiadau ac ati.

B) Strategaeth Cynnwys Digidol

Bydd gofyn i'r Tendirwr llwyddiannus ddatblygu a gweithredu 'strategaeth cynnwys greadigol' ar gyfer yr Ymgyrch. Bydd gofyn i'r Tendirwr llwyddiannus:

- Gynhyrchu a chyfleu cynnwys digidol creadigol i ategu negeseuon craidd yr Ymgyrch fel y nodir uchod. Mae S4C yn disgwyl i'r cynnwys digidol gefnogi ac ategu'r rhaglenni ar-sgrin a digidol a gomisiynir gan S4C. Mae S4C wedi awgrymu thema ar gyfer rhywfaint o'r cynnwys digidol isod - fodd bynnag rydym yn agored i awgrymiadau eraill ac mae gennym ddiddordeb mewn clywed barn Tendirwr am y thema hon:

'Cyfeillion y Gymraeg' – un o'r themâu a awgrymir ar gyfer y strategaeth cynnwys digidol yw annog siaradwyr Cymraeg i bartneru â'r rhai nad ydynt yn siarad Cymraeg er mwyn eu cynorthwyo i ddysgu Cymraeg. Gallai'r gweithgareddau gynnwys:

- Cynnwys astudiaethau achos diddorol o ddysgwyr i gymell ac annog eraill;
- Cynnwys a gynhyrchir gan y 'cyfeillion' (UGC); a
- Cystadleuaeth i'r 'cyfeillion';
- Gwneud defnydd o wahanol ddulliau o ymgysylltu â'r cyfryngau cymdeithasol megis arolygon barn, hoffi ein tudalen, ac offer brodorol eraill (i'w trafod gyda S4C);
- Targedu'r gynulleidfa darged (fel y nodir uchod) a'u hannog i gymryd rhan yn y sgwrs am yr Ymgyrch; a
- Nodi a gweithio gyda 'dylanwadwyr' perthnasol ar gyfer y Gynulleidfa Darged er mwyn cyfleu negeseuon yr Ymgyrch.

C) Strategaeth Partneriaethau

Bydd gofyn i'r Tendirwr llwyddiannus gefnogi S4C i ddatblygu a gweithredu strategaeth i ddenu partneriaid a rhanddeiliaid i'r Ymgyrch i sicrhau'r cyrhaeddiad mwyaf posibl.

Bydd yn ofynnol i'r Tendirwr llwyddiannus weithio gydag S4C i ddatblygu dull 'Pecyn Cymorth Cyfathrebu' ar gyfer pecynnu deunyddiau'r Ymgyrch, gan gynnwys adnoddau printiedig ac electronig, i nifer o rwydweithiau cymorth (a amlinellir uchod) gan gynnwys rhanddeiliaid a phartneriaid pwysig. Dylai'r Pecyn Cymorth gael ei ategu gan ganllawiau ar sut y gall partneriaid a

rhanddeiliaid gefnogi'r Ymgyrch, gan sicrhau cysondeb yn y defnydd o frandio'r Ymgyrch a thôn/cyfeiriad negeseuon yr Ymgyrch.

D) Monitro a Gwerthuso

Bydd gofyn i'r Tendirwr llwyddiannus ddatblygu a gweithredu cynllun i olrhain ymwybyddiaeth o'r Ymgyrch, gan ystyried model gwerthuso GCE OASIS, a amlinellir yn y fframwaith werthuso ddiweddaraf: <https://gcs.civilservice.gov.uk/guidance/evaluation/>, a defnyddio offer megis arolwg Omnibws Beaufort. Bydd gofyn i'r Tendirwr llwyddiannus gydweithio ag S4C i weithredu newidiadau i'r Ymgyrch yn ôl y gofyn sy'n codi o ganlyniadau'r gweithgareddau monitro.

2.2 Telerau a Hyd y Cytundeb

Mae'r cytundeb drafft ynghlwm yn Atodiad 1.

Bydd y cytundeb am gyfnod o 12 mis yn dechrau ar 6^{ed} o Ionawr 2020 gydag opsiwn i ymestyn hyd y cytundeb am gyfnod o hyd at 6 mis ychwanegol.

Mae S4C yn cynnal y broses dendro hon gan ddefnyddio'r weithdrefn agored dan Reoliadau Contractau Cyhoeddus 2015 (Public Contracts Regulations 2015), felly ni chaniateir unrhyw drafodaeth ynghylch y cytundeb drafft wedi i'r tendr gael ei roi i'r Tendirwr llwyddiannus. Caniateir diwygiadau i'r cytundeb drafft er mwyn adlewyrchu'r ymateb tendro llwyddiannus a/neu er mwyn egluro amodau'r cytundeb drafft yn unig. Trwy gyflwyno ymateb i'r GID yma, mae Tendirwyr yn cytuno, os byddant yn llwyddiannus, eu bod yn ymrwymo i gytundeb gydag S4C yn unol â'r ffurf a nodir yn Atodiad 1. Gofynnir i Dendirwyr nodi darpariaethau Rhan 6.4. yn y cyd-destun hwn.

2.3 Gwarant Rhiant Cwmni a Chonsortia

Noder efallai y bydd S4C yn gofyn i'r Tendirwr llwyddiannus ddarparu gwarantau gan riant gwmni. Os yw consortiwm yn cynnig tendr a bod ei ymateb maes o law yn llwyddiannus gall y bydd ar S4C eisiau: (i) i'r consortiwm ffurfio endid cyfreithiol cyn arwyddo cytundeb; a/neu (ii) cyd-atebolrwydd ac atebolrwydd unigol holl aelodau'r consortiwm; a/neu (iii) gwarantau a/neu ymrwymadau gan rai neu'r oll o aelodau'r consortiwm ar ran rhai neu'r oll o aelodau eraill y consortiwm.

Rhan 3 Gwybodaeth i'w Chynnwys yn yr Ymateb i'r Tendr

3.1 Gwybodaeth Angenrheidiol

Dylai'r Tendrwyr ddarparu'r wybodaeth ganlynol fel rhan o'r ymateb tendro er mwyn dangos yn fanwl sut y bodlonir gofynion S4C:

- **Ffurflen Wybodaeth Sylfaenol** yn y ffurf a gynhwysir yn Atodiad 3.
- **Dogfen Gynnig** yn nodi'r wybodaeth ganlynol:
 - i. Cynnig ar gyfer darparu'r gwasanaethau **Rheoli Prosiect Ymgyrch** gan gynnwys:
 - 'Hunaniaeth' awgrymedig ar gyfer yr Ymgyrch;
 - Argymhelliad ar gyfer y sianeli a'r platfformau cyfryngau i'w defnyddio fel rhan o'r Ymgyrch ar draws y flwyddyn, gan gynnwys pa sianeli cyfredol dylid eu defnyddio er mwyn gyrru cyrhaeddiad a pha sianeli newydd, os o gwbl, y dylid eu creu;
 - Strategaeth cyfryngau cymdeithasol yn edrych yn benodol ar:
 - o a ddylai S4C greu a rheoli platfformau cyfryngau cymdeithasol newydd;
 - o a yw'n fwy effeithiol i ddefnyddio platfformau cyfryngau cymdeithasol sydd eisoes yn bodoli; a
 - o pha blatfformau i'w blaenoriaethu gyda chynnwys gwahanol ar gyfer cynulleidfaoedd targed gwahanol;
 - Argymhelliad ar a ddylid ceisio am bartneriaethau gyda pherchnogwyr cyfryngau; ac
 - Amlinelliad o gynllun Gwasg a Chysylltiadau Cyhoeddus (i gynnwys datganiadau i'r wasg, deunydd print, digwyddiadau ayyb);
 - ii. Cynnig ar gyfer darparu'r **Strategaeth Cynnwys Digidol** gan gynnwys:
 - Sut fydd y Tendrwr yn denu'r Gynulleidfa Darged â chynnwys digidol, gan gynnwys sut bydd yn gweithio â dylanwadwyr; ac
 - Y math a'r maint o gynnwys digidol i'w gynhyrchu yn ogystal â ffurfiau eraill o gynnwys megis cynnwys a gynhyrchir gan gyfranwyr (UGC) a defnydd o offerynnau cyfryngau cymdeithasol;
 - iii. Cynnig ar gyfer darparu'r **Strategaeth Partneriaethau**;
 - iv. Cynnig ar gyfer darparu'r **Gwasanaethau Monitro a Gwerthuso** gan gynnwys:
 - Argymhelliad o ran pryd y mae adrodd ar fonitro a gwerthuso yn fwyaf addas trwy gydol cyfnod yr Ymgyrch;
 - v. **Amserlen a Chynllun Misol** gan gynnwys:
 - Amlinelliad o amserlen awgrymedig ar gyfer darparu pob un o'r strategaethau a amlinellir uchod am yr Ymgyrch gyfan; ac

- Enghraifft o gynllun/amserlen fisol ar gyfer y math o gynnwys digidol y mae'n bwriadu ei greu yn ystod y mis cyntaf o'r Ymgyrch, y platfformau i'w defnyddio, a sut caiff y cynnwys ei ddosbarthu a'i hyrwyddo. Dylai'r amserlen nodi cynnig y Tendirwr ar gyfer sicrhau cymeradwyaeth S4C o'r deunyddiau;
- vi. **Profiad Perthnasol:** disgrifiad cynhwysfawr o brofiad perthnasol y Tendirwr yn y tair blynedd diwethaf;
- vii. **Personél Allweddol** gan gynnwys:
 - Manylion y personél allweddol fydd yn gweithio ar yr Ymgyrch a'u profiad perthnasol; a
 - Manylion yr aelod(au) o'r personél allweddol sy'n rhugl yn yr iaith Gymraeg (boed yn gyflogedig ai peidio); a
- viii. **Ffi:** gweler adran 3.2 am ragor o wybodaeth.

Gall y Tendirwyr gynnwys gwybodaeth ychwanegol pan fo hynny'n berthnasol i'w hymatebion tendro, ond ni ddylai ymatebion tendro gynnwys unrhyw wybodaeth amherthnasol nas gofynnwyd amdani yn benodol neu sy'n ofynnol yn ôl y GID hwn gan gynnwys, er enghraifft, llenyddiaeth at ddibenion gwerthu ac amodau masnachu safonol.

Rhaid i ymatebion tendro barhau i fod yn agored am 3 mis o'r dyddiad rhoddir ar gyfer cyflwyno ymatebion tendro

Os bydd y Tendirwr (neu, yn achos ymateb tendro a gyflwynir gan gonsortïwm, unrhyw aelod o'r consortïwm), ar unrhyw adeg, yn dod yn ymwybodol o'r ffaith bod unrhyw wybodaeth y mae (neu, yn achos ymateb tendro a gyflwynir gan gonsortïwm, unrhyw aelod o'r consortïwm) wedi ei ddarparu i S4C mewn cysylltiad â'r broses dendro hon yn anghyflawn, yn anghywir neu'n gamarweiniol mewn unrhyw ffordd neu heb fod yn gywir mwyach, rhaid hysbysu S4C o hyn ar unwaith.

3.2 Ffi

Mae S4C yn amcangyfrif y dylid medru darparu'r Gwasanaethau am uchafswm ffi o £80,000. Croesawir ceisiadau sy'n cyflwyno ffigwr is.

Mae S4C yn mynnu bod y Gwasanaethau yn cael eu darparu am ffi sefydlog, gan gynnwys unrhyw gostau gosod, rheoli cyfrif, gweinyddu, staffio, cyfarfodydd a'r holl gostau a'r treuliau eraill sy'n codi o ddarparu'r gwasanaeth. Rhaid cyfleu'r ffi sefydlog hon mewn punnoedd sterling neu ei throsi i bunnoedd sterling, heb gynnwys TAW, ac mae'n rhaid iddi fod yn sefydlog trwy gydol y cytundeb.

Dylai Tendirwyr nodi'r rhestr daliadau awgrymedig a dylid nodi mewn ffordd eglur y ffi sy'n daladwy am y Gwasanaethau wedi'i rhannu i ddangos y ffi ar wahân o ran elfennau canlynol y Gwasanaethau:

- Gwasanaethau rheoli prosiect Ymgyrch;
- Strategaeth cynnwys digidol;
- Strategaeth partneriaethau; a
- Gwasanaethau monitro a gwerthuso.

3.3 Uchafswm Tudalennau

Dylai Tendrwyr geisio bod yn gwyno wrth ddrafftio eu hymatebion i'r GID yma. Ni ddylai ymateb i'r GID yma fod yn hirach na 10 tudalen A4 o hyd (ac eithrio'r Ffurflen Wybodaeth Sylfaenol) ac ni ddylid defnyddio maint ffont llai na Georgia 10. Mae S4C yn cadw'r hawl i eithrio o'r broses dendro unrhyw ymateb i'r GID nad sydd yn cydymffurfio â'r gofynion hyn.

Nid yw'r cyfyngiad tudalennau uchod yn cynnwys unrhyw ddogfennau yr atodir i'r brif ddogfen ymateb i'r GID.

Rhan 4 Amlinelliad y Broses Dendro a Cheisiadau am Wybodaeth Bellach

4.1 Amlinelliad y Broses Dendro

Bydd y broses dendro yn cynnwys y camau canlynol:

Cam 1	Dyddiad cau ar gyfer derbyn ceisiadau am eglurhad	12.00 canol dydd, Dydd Llun 25 Tachwedd 2019
Cam 2	Darparu ymatebion i'r cesiadau am wybodaeth bellach	Dydd Llun 2 Rhagfyr 2019
Cam 3	Dyddiad cau ar gyfer derbyn ymatebion tendr	12.00 canol dydd, Dydd Llun 9 Rhagfyr 2019
Cam 4	Dechrau ar y gwaith o werthuso'r ymatebion tendr	Dydd Llun 9 Rhagfyr 2019*
Cam 5	Hysbysu canlyniadau'r gwerthuso	Dydd Gwener 13 Rhagfyr 2019*
Cam 6	Arwyddo cytundeb	Dydd Iau 2 Ionawr 2020*

Noder y gall y dyddiadau sydd wedi eu marcio â * newid.

4.2 Cyflwyno Ymatebion Tendro

Gofynnir i Dendrwyr gyflwyno ymateb tendro yn Gymraeg neu yn Saesneg yn unol â gofynion y GID hwn, ar ffurf electronig, erbyn y dyddiad cau ar gyfer cael ymatebion tendro a nodir yn Rhan 4.1 uchod.

Dylid nodi "Ymgyrch #Iaith2020 S4C" yn eglur ar ymatebion tendro a'u hanfon mewn neges e-bost at:

tender.cyfathrebu@s4c.cymru

Caniateir i dendrau gael eu cyflwyno yn y Gymraeg neu yn Saesneg. Ni fydd tendr a gyflwynir yn y Gymraeg yn cael ei drin yn llai ffafriol na thendr a gyflwynir yn Saesneg.

NI FYDD UNRHYW YMATEBION TENDRO A FYDD YN CAEL EU CYFLWYNO AR ÔL Y DYDDIAD CAU AR GYFER CAEL YMATEBION TENDRO A NODIR YN RHAN 4.1 UCHOD, NEU Y DERBYNNIR GAN S4C I UNRHYW GYFEIRIAD AC EITHRIO'R CYFEIRIAD A NODIR UCHOD, YN CAEL EU HYSTYRIED A CAIFF UNRHYW YMATEBION TENDRO O'R FATH EU HEPGOR O'R BROSES DENDRO HON.

Ni fydd S4C yn gyfrifol am unrhyw ddiffygion yn y system ddosbarthu neu am unrhyw ymatebion tendro a fydd yn mynd ar goll, a fydd yn cael eu hoedi neu a fydd yn ddiffygiol. Mae Tendrwy'r yn gyfrifol am sicrhau bod eu hymatebion tendro (ac unrhyw atodiadau) yn cael eu paratoi mewn da bryd (gan ystyried y posibilrwydd y bydd staff yn absennol neu y gallai methiannau technegol godi) a'u bod yn cael eu cyflwyno cyn y dyddiad cau ar gyfer cael ymatebion tendro, a nodir yn Rhan 4.1 uchod.

Sylwer mai 20Mb yw'r uchafswm o ran maint negeseuon e-bost y gall S4C eu derbyn ac mai'r ffurfiau a ganiateir ar gyfer ffeiliau yw Word, Excel, PDF a Jpeg. Mae'r ffurfiau hyn yn dderbyniol fel Ffeiliau Zip. Dylai Tendrwy'r fod yn ymwybodol y gallai eu ISP (Darparwr Gwasanaethau Rhyngwryd) eu hunain bennu cyfyngiadau is o ran maint negeseuon e-bost ac felly, fe'u cynghorir i holi eu ISP neu eu hadran TG eu hunain ynghylch unrhyw gyfyngiadau ar faint negeseuon ymhell cyn y dyddiad anfon a'r dyddiad cau.

Ni fernir bod prawf o anfon deunydd yn cyfateb â phrawf bod deunydd wedi cyrraedd, a chynghorir Tendrwy'r i geisio cydnabyddiaeth ar ffurf neges e-bost ar wahân bod y deunydd wedi cyrraedd.

4.3 Ystyried Ymatebion Tendro

Bydd S4C yn ystyried yr holl ymatebion tendro y derbynnir gan S4C sydd yn cydymffurfio â'r gofynion a nodir yn y GID hwn yn unol â'r weithdrefn a'r meini prawf a nodir yn Rhan 5 isod. Bydd dyfarnu cytundeb yn cael ei seilio ar asesiad S4C o'r ymateb tendro sy'n cynnig y fantais economaidd fwyaf, yn unol â'r meini prawf a nodir yn Rhan 5 isod. Hysbysir pob Tendrwr a gyflwynodd ymateb i'r GID o ganlyniad gwaith gwerthuso S4C mewn neges e-bost. Gweler Rhan 5.4 ymhellach isod.

4.4 Esbonio Ymatebion Tendro

Efallai y bydd S4C yn gofyn i Dendrwy'r ddarparu gwybodaeth bellach a/neu esboniad ynghylch unrhyw faterion yn eu hymatebion tendro.

4.5 Ceisiadau am Wybodaeth Bellach

Rhaid gwneud pob math o gyswllt mewn perthynas â'r broses dendro hon, gan gynnwys unrhyw geisiadau am wybodaeth bellach a/neu arweiniad wrth gwblhau ymatebion tendro, ar ffurf neges e-bost i S4C, a'u hanfon at cwestiynautendr@s4c.cymru

Ni ddylai Tendrwy'r drafod neu ofyn am wybodaeth ynghylch y broses dendro hon mewn unrhyw ffordd gan unrhyw swyddog, cyflogai, asiant neu gynghorwr arall S4C.

Anogir Tendrwy'r i nodi unrhyw arweiniad a/neu wybodaeth bellach y mae'n bosib y bydd ei hangen arnynt mewn cysylltiad â'r broses dendro hon, cyn gynted ag y bo modd. Y dyddiad cau er mwyn cyflwyno ceisiadau am wybodaeth bellach a/neu arweiniad yw **Dydd Llun 25 Tachwedd 2019 am 12 canol dydd**. Ni ystyrir unrhyw geisiadau a fydd yn cael eu gwneud

ar ôl y dyddiad cau hwn. Bydd S4C yn ceisio delio â'r holl geisiadau a wneir cyn y dyddiad cau hwn mewn ffordd brydlon.

Er mwyn sicrhau tegwch a thryloywder, sylwer y bydd yr holl geisiadau am wybodaeth bellach a/neu arweiniad ynghylch y broses dendro hon, ynghyd ag ymatebion S4C i geisiadau o'r fath, yn cael eu datgelu i'r holl Dendrwyr. Bydd datgeliadau o'r fath yn cael eu gwneud gan eu postio ar wefan S4C ar <http://www.s4c.cymru/cy/cynhyrchu/page/12783/tendrau/>

Os bydd Tendirwr o'r farn bod unrhyw gais am wybodaeth bellach a/neu arweiniad y byddant yn ei wneud yn sensitif ar lefel fasnachol, rhaid iddynt nodi "sensitif yn fasnachol" yn eglur ar y cais, a nodi'r rhesymau pam eu bod o'r farn ei bod yn sensitif ar lefel fasnachol. Sylwer, fodd bynnag, y bydd S4C yn penderfynu, yn unol â'i disgresiwn llwyr, a yw'n ystyried bod unrhyw gais o'r fath yn sensitif ar lefel fasnachol. Os bydd S4C yn penderfynu bod cais yn sensitif ar lefel fasnachol, ni fydd S4C yn datgelu'r cais na'i hymateb i gais o'r fath, i Dendrwyr eraill. Os bydd S4C yn penderfynu nad yw cais yn sensitif ar lefel fasnachol, bydd yn hysbysu'r Tendirwr o hyn. Os bydd y Tendirwr yn cytuno nad yw'r cais yn sensitif ar lefel fasnachol, bydd S4C yn ymateb i'r cais a bydd ganddi'r hawl i ddatgelu'r cais, a'i hymateb iddo, i'r holl Dendrwyr. Os na fydd y Tendirwr yn cytuno nad yw'r cais yn sensitif ar lefel fasnachol neu os na fydd yn hysbysu S4C a yw'n cytuno cyn pen un diwrnod gwaith, ystyrir bod y cais yn cael ei dynnu yn ôl ac ni fydd S4C yn ymateb iddo. Ni fydd unrhyw beth yn y paragraff hwn yn cael ei ddehongli fel rhywbeth sy'n cyfyngu ar allu S4C i ddatgelu unrhyw wybodaeth i unrhyw unigolyn mewn unrhyw ffordd, er mwyn cydymffurfio â'i hymrwymadau rhyddid gwybodaeth, fel yr amlinellir yn Rhan 6.6 isod.

Bernir bod unrhyw geisiadau ac unrhyw ymatebion iddynt a ddatgelir i'r holl Dendrwyr, yn rhan o'r GID hwn.

Rhan 5 –Meini Prawf Gwerthuso a Gwobrwyo'r Cytundeb

5.1 Profi Cydymffurfiaeth

Cyn cychwyn ar y broses ffurfiol o werthuso'r ymatebion tendro, bydd S4C yn archwilio'r ymatebion tendro er mwyn sicrhau eu bod yn cydymffurfio â gofynion y GID yn llawn. Gellid gwrthod ymatebion tendro nad ydynt yn cydymffurfio. Bydd S4C yn gwerthuso ymatebion tendro sy'n cydymffurfio yn llawn, yn unol â'r darpariaethau a nodir yn y Rhan 5 hwn.

5.2 Gwerthuso

Dyfarnir y cytundeb ar sail y tendr sy'n cynnig y fantais economaidd fwyaf. Er mwyn asesu pa dendr sydd yn cynnig y fantais economaidd fwyaf, bydd panel o gynrychiolwyr S4C yn gwerthuso ac yn sgorio'r ymatebion i'r GID yma, yn unol â'r meini prawf a'r pwysoliadau canlynol:

Cwestiynau Cydymffurfio:

	Meini Prawf Gwerthuso	Dull Gwerthuso
Ffurflen Wybodaeth Sylfaenol:		
Adran 1	Gwybodaeth am y Cyflenwr	Nid yw'n cael ei sgorio, ond mae'n rhaid i'r rhan gael ei chwblhau
Adran 2	Seiliau dros Waharddiad Gorfodol	Derbyniol – Wedi'i chwblhau gyda phob ymateb yn "Nac ydy", neu "Ydy" gyda thystiolaeth o gamau adferol derbyniol Annerbyniol – Heb ei chwblhau neu unrhyw un neu fwy o'r ymatebion yn "Ydy" heb dystiolaeth o gamau adferol derbyniol.
Adran 3	Seiliau dros Waharddiad yn ôl Disgresiwn	Derbyniol – Wedi'i chwblhau gyda phob ymateb yn "Nac ydy", neu "Ydy" gyda thystiolaeth o gamau adferol derbyniol Annerbyniol – Heb ei chwblhau neu unrhyw un neu fwy o'r ymatebion yn "Ydy" heb dystiolaeth o gamau adferol derbyniol.
Adran 4	Modiwlau Ychwanegol Yswiriant	Derbyniol – Wedi'i chwblhau gyda phob ymateb yn "Ie" Annerbyniol – Heb ei chwblhau neu unrhyw un neu fwy o'r ymatebion yn "Na".
	Cydraddoldeb	Derbyniol – Wedi'i chwblhau gyda phob ymateb i C1 a C2 yn "Nac oes", neu "Oes" gyda thystiolaeth o gamau adferol derbyniol, a gyda'r ateb i C3 yn "Oes"

		Annerbyniol – Heb ei chwblhau neu ymateb i C1 a/neu C2 yn "Oes" heb dystiolaeth o gamau adferol derbyniol, a/neu'r ateb i C3 yn "Nac oes".
	Rheoli Amgylcheddol	Derbyniol – Wedi'i chwblhau gyda'r ymateb i C1 yn "Nac ydy", neu "Ydy" gyda thystiolaeth o gamau adferol derbyniol, a gyda'r ymateb i C2 yn "Oes" Annerbyniol – Heb ei chwblhau neu ymateb i C1 yn "Ydy" heb dystiolaeth o gamau adferol derbyniol, a/neu gyda'r ymateb i C2 yn "Nac oes".
	Iechyd a Diogelwch	Derbyniol – Hunanardystio wedi'i gwblhau a'r ymateb i C2 yn "Nac ydy" neu'n "Ydy" gyda thystiolaeth o gamau adferol derbyniol, a'r ymateb i C3 yn "Oes" Annerbyniol – Hunanardystio heb ei gwblhau neu ymateb i C2 yn "Ydy" heb dystiolaeth o gamau adferol derbyniol, a/neu'r ymateb i C3 yn "Nac oes".
	Diogelu Data	Derbyniol – Hunanardystio wedi'i gwblhau a'r ymateb i C2 yn "Nac ydy" neu'n "Ydy" gyda thystiolaeth o gamau adferol derbyniol, a'r ymateb i C3 yn "Oes" Annerbyniol – Hunanardystio heb ei gwblhau neu ymateb i C2 yn "Ydy" heb dystiolaeth o gamau adferol derbyniol, a/neu'r ymateb i C3 yn "Nac oes".
Adran 8	Datganiad	Nid yw'n cael ei sgorio, ond mae'n rhaid i'r rhan hon gael ei chwblhau.

Cwestiynau ansoddol:

Meini Prawf Dyfarnu	Gwybodaeth i'w Asesu	Cwestiynau Gwerthuso (Sut fydd S4C yn gwerthuso'r ymateb)	Pwysoliad
Dogfen Gynnig:			

Cynnig ar gyfer darparu'r gwasanaethau rheoli proiect Ymgyrch	'Hunaniaeth' awgrymedig ar gyfer yr Ymgyrch. Argymhelliad o strategaeth ar gyfer y sianeli a'r platfformau cyfryngau i'w defnyddio fel rhan o'r Ymgyrch, gan gynnwys disgrifiad o'r sianeli cyfryngau cyfredol a/neu newydd i'w defnyddio a/neu eu creu ac a ddylid ceisio am bartneriaethau gyda pherchnogwyr cyfryngau. Strategaeth cyfryngau cymdeithasol awgrymedig ar gyfer yr Ymgyrch yn amlinellu'r platfformau cyfryngau cymdeithasol penodol cyfredol a/neu newydd a gaiff eu defnyddio ar gyfer cynnwys a chynulleidfaoedd gwahanol. Amlinelliad o gynllun Gwasg a Chysylltiadau Cyhoeddus ar gyfer yr Ymgyrch.	A yw'r Tendirwr wedi darparu hunaniaeth a brand addas a chreadigol ar gyfer yr Ymgyrch? A yw'r Tendirwr wedi darparu strategaeth addas, gafaelgar ac arloesol ar gyfer y sianeli a'r platfformau cyfryngau i'w defnyddio fel rhan o'r Ymgyrch ar draws y flwyddyn? A yw'r Tendirwr wedi darparu strategaeth cyfryngau cymdeithasol addas, gafaelgar ac arloesol? A yw'r Tendirwr wedi darparu cynllun Gwasg a Chysylltiadau Cyhoeddus addas, gafaelgar ac arloesol ar gyfer yr Ymgyrch?	5% 5% 5% 5%
Cynnig ar gyfer darparu'r Strategaeth Cynnwys Digidol	Disgrifiad o gynnyg y Tendirwr ar gyfer denu'r Gynulleidfa Darged, gan sut bydd yn gweithio â dylanwadwyr. Disgrifiad o syniadau'r Tendirwr ar gyfer y math a'r maint o gynnwys digidol i'w gynhyrchu yn ogystal â ffurfiau eraill o gynnwys megis cynnwys a gynhyrchir gan gyfranwyr (UGC) a defnydd o offerynnau cyfryngau cymdeithasol.	A yw'r Tendirwr wedi dangos y bydd ei gynnwys digidol yn denu'r Gynulleidfa Darged yn llwyddiannus yn unol â'r briff? A yw syniadau cynnwys y Tendirwr yn dangos uchelgais olygyddol a chreadigol sy'n afaelgar, arloesol ac sy'n bodloni nodau craidd yr Ymgyrch?	15% 15%

Cynnig ar gyfer darparu'r Strategaeth Partneriaethau	Disgrifiad o strategaeth partneriaethau'r Tendirwr.	A yw'r Tendirwr wedi darparu strategaeth partneriaethau addas, gafaelgar ac arloesol?	5%
Cynnig ar gyfer darparu'r gwasanaethau Monitro a Gwerthuso	Disgrifiad o gynnis y Tendirwr ar gyfer monitro a gwerthuso'r Ymgyrch gan gynnwys adrodd i S4C.	A yw ymateb y Tendirwr yn dangos dull rhesymegol ac effeithiol ar gyfer monitro a gwerthuso'r gweithgareddau sy'n ofynnol gan y Gwasanaethau a gallu i weithredu unrhyw newidiadau gofynnol i'r Ymgyrch?	5%
Amserlen gyfleu a chynllun misol	Amserlen gyfleu'r Tendirwr ar gyfer darparu'r Gwasanaethau a chynllun/amserlen fisol enghreifftiol yn amlinellu'r strategaeth cynnwys digidol arfaethedig ar gyfer y mis cyntaf.	A yw'r Tendirwr wedi dangos y bydd yn gallu darparu'r gwasanaethau yn effeithiol ar hyd flwyddyn yr Ymgyrch?	15%
Profiad Perthnasol	Disgrifiad cynhwysfawr o brofiad perthnasol y Tendirwr yn y tair blynedd diwethaf.	A oes gan y Tendirwr brofiad perthnasol o ddarparu gwasanaethau tebyg yn y tair blynedd diwethaf?	5%
Personél Allweddol	Manylion yr aelod(au) o'r personél allweddol sy'n rhugl yn yr iaith Gymraeg. Manylion staff allweddol y Tendirwr fydd yn gweithio ar ddarpariaeth y Gwasanaethau.	A oes gan y Tendirwr allu iaith Gymraeg digonol? Rhaid i'r Tendirwr sicrhau, erbyn dechrau'r cytundeb, bod ganddo o leiaf un aelod o'r personél allweddol (boed yn gyflogedig ai peidio) sy'n rhugl yn yr iaith Gymraeg. A yw'r Tendirwr wedi dangos bod gan y personél allweddol y gallu i ddarparu'r gwasanaethau yn effeithiol?	Pasio/Methu 5%

Mae **Atodiad 2** yn cynnwys y matrices sydd yn nodi sut y bydd y wybodaeth sy'n ofynnol yn Rhan 3.1 uchod yn cael ei gwerthuso yn unol â'r meini prawf hyn.

Gwerthuso'r Ffi

Bydd S4C yn gwerthuso'r ffioedd a ddarparwyd gan bob Tendirwr trwy ddefnyddio'r fformiwla canlynol: ffi isaf a ddarparwyd fel rhan o'r tendr wedi ei rannu â'r ffi a ddarparwyd gan y Tendirwr dan sylw. Gall S4C eithrio ymatebion sydd wedi darparu ffioedd anarferol o isel. Caiff y ffi ei bwysoli yn ôl **15%**

5.3 Anghymhwysio Ymatebion Tendre/Tendrwyr

Mae S4C yn cadw'r hawl i anghymhwysio ymateb tendro a/neu Dendirwr o'r broses dendro hon ar unrhyw adeg os:

- (a) na fydd ymateb tendro yn cydymffurfio ag unrhyw rai o ofynion y GID hwn;
- (b) bydd unrhyw wybodaeth a ddarparir i S4C gan y Tendirwr perthnasol (neu, yn achos consortiwm, unrhyw un o'i aelodau), yn anghyflawn, yn anghywir neu'n gamarweiniol mewn unrhyw ffordd, neu os na fydd yn gywir mwyach;
- (c) bydd y Tendirwr wedi cynllwynio gydag unrhyw unigolyn (heb gynnwys, pan fo'r Tendirwr yn gonsortiwm, cynllwynio rhwng aelodau'r consortiwm mewn cysylltiad ag ymateb tendro y consortiwm) mewn perthynas neu mewn cysylltiad gyda'i ymateb tendro neu ymateb tendro unrhyw Dendirwr arall.

Ni fydd y cam o anghymhwysio unrhyw ymateb tendro neu Dendirwr yn amharu ar unrhyw hawliau neu rwyddiadau eraill S4C.

5.4 Dyfarnu Cytundeb

Yn unol â darpariaethau Rhan 6.1 isod ac ar ôl cwblhau'r gwaith o werthuso ymatebion tendro, bydd S4C yn hysbysu Tendirwr o ganlyniadau'r gwaith gwerthuso. Bydd gofyn i'r Tendirwr y bu eu hymateb tendro yn llwyddiannus, i ymrwymo i gytundeb gydag S4C ar ffurf y cytundeb drafft. Ni fydd unrhyw gytundeb yn cael ei ffurfio oni bai a nes bod S4C yn arwyddo'r cytundeb. Ni fydd unrhyw dderbyniad llafar neu ysgrifenedig o unrhyw dendr, neu hysbysiad bod Tendirwr wedi bod yn llwyddiannus, yn gyfystyr â rhwymyn cytundeb.

Rhan 6 Nodiadau Cyfreithiol

6.1 Dim ymrwymiad i gynnig y cytundeb

Ni fydd unrhyw beth yn y GID hwn neu unrhyw gyfathrebu rhwng S4C a'r Tendirwr ynghylch y broses dendro neu'r ymateb tendro yn gyfystyr â chontract i ddarparu unrhyw wasanaeth y rhoddir sylw iddo yn y broses dendro hon, neu warant neu gyflwyniad y bydd unrhyw gontract yn cael ei ddyfarnu neu y gallai unrhyw gontract gael ei ddyfarnu.

Mae S4C yn cadw'r hawl i dynnu yn ôl o a/neu adael a/neu ohirio'r broses dendro hon ar unrhyw adeg, i beidio dyfarnu unrhyw gontract o ganlyniad i'r broses dendro hon, i ychwanegu at, diwygio a/neu egluro amodau a thelerau'r GID hwn a/neu i fynnu bod Tendirwyr yn esbonio eu hymatebion tendro a/neu yn darparu gwybodaeth ychwanegol mewn perthynas ag ef.

6.2 Gwrthdaro rhwng Buddiannau

Rhaid i bob Tendirwr ddarparu manylion os rhagwelir y gallai fod gwrthdaro rhwng buddiannau unigolion sy'n ymwneud â'r cais a staff S4C, mae hyn er mwyn galluogi S4C i sicrhau ei fod yn neilltuo staff i'r broses dendro nad oes ganddynt unrhyw berthynas bersonol gydag unrhyw gais.

6.3 Cytundeb Drafft

Nodir y cytundeb drafft ar gyfer darparu'r Gwasanaethau yn Atodiad 1.

Trwy gyflwyno ymateb i'r GID hwn, mae Tendirwyr yn cyfleu eu bod yn derbyn amodau'r cytundeb drafft sydd ynghlwm. Mae S4C yn cadw'r hawl i ddiwygio'r cytundeb drafft ar ôl ei gyhoeddi, unwaith y bydd manylion y cais buddugol yn hysbys, er mwyn cydymffurfio ag amodau penodol y trefniant y cytunwyd arnynt gyda'r Tendirwr llwyddiannus.

6.4 Codau Ymarfer a Chanllawiau

Bydd yn rhaid i'r Tendirwr llwyddiannus gydymffurfio â'r codau ymarfer, y ddeddfwriaeth a'r canllawiau canlynol (ymhlith eraill):

- Deddfwriaeth Iechyd a Diogelwch
- Deddfwriaeth Diogelu Data
- Ymrwymiad Amrywiaeth S4C
- Hysbysiad Cydymffurfio S4C (h.y. yn nodi'r Safonau Iaith Gymraeg perthnasol)
- Polisi Amddiffyn Plant S4C
- Polisi Cyfryngau Cymdeithasol S4C
- Cod Darlledu Ofcom

Dylai pob Tendirwr gynnwys y gost o gydymffurfio â'r uchod (gan gynnwys cost cyngor priodol) yn y cais. Mae nifer o'r canllawiau hyn ar gael ar Wefan Cynhyrchu S4C sef <http://www.s4c.cymru/cy/cynhyrchu/page/1154/canllawiau/>.

6.5 Rhyddid Gwybodaeth

Mae'r Ddeddf Rhyddid Gwybodaeth ("RhG") 2000 yn weithredol i S4C. Os bydd unrhyw Dendirwr o'r farn bod unrhyw wybodaeth a ddarperir ganddo i S4C yn sgil y gwahoddiad hwn, o natur gyfrinachol neu sensitif yn fasnachol, dylai'r Tendirwr nodi hynny yn benodol gan nodi'r rhesymau dros ystyried y fath wybodaeth yn wybodaeth sensitif. Bydd S4C yn ystyried hyn wrth benderfynu a fydd yn rhyddhau'r wybodaeth wrth ymateb i geisiadau RhG. Fodd bynnag, rhaid i ymgeiswyr dderbyn y bydd S4C yn rhyddhau gwybodaeth o'r fath os bydd yn cael

cyngor cyfreithiol bod yn rhaid iddo wneud hynny er mwyn cydymffurfio gyda Deddf RhG. Mae S4C yn cadw'r hawl i benderfynu yn ei ddisgresiwn llwyr os yw unrhyw wybodaeth arbennig wedi ei eithrio rhag ei ddadlenni.

6.6 Diogelu Data

Trwy gyflwyno ymateb rydych yn cadarnhau eich bod wedi hysbysu pob unigolyn a adnabyddir yn yr ymateb tendr eich bod yn mynd i rannu eu data personol yn y modd hwn. Rydych yn cydnabod y bydd S4C yn prosesu'r holl wybodaeth bersonol a ddarparwyd fel rhan o'ch ymateb yn unol â Rheoliad Diogelu Data Cyffredinol 2016 a Deddf Diogelu Data 2018. Mae Hysbysiad Preifatrwydd S4C ar gael ar www.s4c.cymru, a byddwch yn hysbysu pob unigolyn y mae eu data personol yn cael ei ddarparu i S4C o'r cymal 6.6 hwn. Bydd S4C yn prosesu unrhyw ddata personol a ddarparwyd yn eich ymateb tendr ar y sail ei fod yn eich diddordeb dilys chi ac S4C i brosesu'r holl ddata sydd wedi'u ddarparu gennych fel rhan o'r ymateb tendr ar gyfer y pwrpas o werthuso'r ymateb i dendr.

6.7 Cyfrinachedd a Chyhoeddusrwydd

Trwy gyflwyno ymateb tendro, mae'r Tendrwy'r yn cytuno cadw yn gyfrinachol unrhyw wybodaeth a ddatgelir neu a fydd ar gael i'r Tendrwy'r gan S4C mewn unrhyw gyfrwng yn ystod neu mewn cysylltiad â'r broses dendro hon. Cytuna Tendrwy'r i beidio defnyddio gwybodaeth o'r fath at unrhyw ddiben ac eithrio'r diben o baratoi'r ymateb tendro, ac i beidio datgelu gwybodaeth o'r fath i unrhyw unigolyn arall ac eithrio mewn ffordd gyfrinachol ac ar sail yr angen i'w gwybod, i'r unigolion hynny sy'n ymwneud â'r gwaith o baratoi'r ymateb tendro yn uniongyrchol. Ni fydd yr oblygiadau cyfrinachedd yn berthnasol i wybodaeth sydd eisoes yn gyhoeddus ar yr adeg y caiff ei datgelu.

Trwy gyflwyno ymateb i'r tendr mae Tendrwy'r yn cytuno i sicrhau na fydd aelod(au) o'u staff yn gwneud datganiad cyhoeddus o unrhyw fath (gan gynnwys, heb gyfyngiad, drwy safleoedd gwe rhyngweithio cymdeithasol, megis Facebook neu Twitter neu fel arall) yn gysylltiedig â thestun y tendr hwn neu unrhyw benderfyniad S4C ynglŷch unrhyw elfen o'r tendr hwn heblaw fod S4C wedi rhoi caniatâd ysgrifenedig o flaen llaw i'r fath gyfathrebiad.

6.8 Ymwadiad

Nid yw S4C yn cynnig unrhyw warant neu gyflwyniad ynghylch cyflawnder neu gywirdeb unrhyw wybodaeth yn y GID hwn ac mae unrhyw ddibyniaeth ar wybodaeth o'r fath ar eich risg eich hunain.

6.9 Gofynion Brand S4C

Bydd S4C yn caniatáu i'r Tendrwr llwyddiannus ddefnyddio brand S4C yn ystod cyfnod y prif gytundeb yn unol â thelerau cytundeb trwydded brand ar wahân. Bydd gofyn i'r Tendrwr llwyddiannus weithredu yn unol â gofynion Canllawiau Brand S4C sydd ar gael ar wefan S4C.

6.10 Costau'r Tendr

Mae pob Tendrwr yn gyfrifol am y costau a'r treuliau sydd yn daladwy mewn cysylltiad â'r broses tendro yma. Ni fydd S4C o dan unrhyw amod yn cyfrannu tuag at y fath gostau a threuliau.

6.11 Diwygiadau i Ddogfennau Tendr

Mae S4C yn cadw'r hawl i wneud newidiadau i'r dogfennau tendro cyn y dyddiad cau a nodir yng Ngham 1 4.1 uchod. Er mwyn galluogi ystyriaeth ar gyfer diwygiad o'r fath, gall S4C, yn unol â'i ddisgresiwn, ymestyn y dyddiadau a nodir yn Rhan 4.1 uchod.

6.12 Hawlfraint

Mae S4C yn berchen ar yr hawlfraint yn y GID ac unrhyw ddeunyddiau eraill a gyhoeddir neu a ddarparir gan S4C. Ni chaniateir i Dendrwrwyr gopïo, atgynhyrchu, defnyddio neu gyhoeddi copïau o'r GID neu ddeunyddiau o'r fath (neu unrhyw ran ohonynt) ac eithrio yn unol â'r graddau sy'n ofynnol er mwyn paratoi a chyflwyno'u hymatebion tendro.

6.13 Dim cyd-gynllunio

Drwy gynnig ymateb i'r GID hwn, mae pob Tendirwr yn cadarnhau:

1. bod yr ymateb i dendr yn "bona fide" ac yn gystadleuol;
2. nad yw'r Tendirwr wedi gosod neu newid yr ymateb yn unol ag unrhyw gytundeb neu drefniant gydag unrhyw berson arall (heblaw yng nghyswllt consortiwm, gydag aelodau eraill y consortiwm) nac wedi gofyn i unrhyw Dendirwr arall i wneud yr un peth; ac
3. nad yw'r Tendirwr wedi trafod neu ymgynghori ag unrhyw berson arall heblaw am S4C ynglŷn â swm neu fras gyllideb neu bris ei ymateb i'r tendr, heblaw lle roedd y fath drafod neu ymgynghori yn gyfrinachol ac yn angenrheidiol er mwyn gwneud ymholiadau ynghylch premiwm yswiriant neu ddyfynbris ar gyfer paratoi'r ymateb i'r GID.

6.14 Ymddygiad Amhriodol

Os yw'r Tendirwr neu'r rheini sydd yn cynghori unrhyw Dendirwr yn gwneud unrhyw ymgais i ddylanwadu yn amhriodol ar y broses dendr hon neu'r penderfyniad i wobrwyo'r cytundeb mewn unrhyw ffordd, yna bydd gan S4C yr hawl i anghymwyso ymateb y Tendirwr yn nisgresiwn llwyr S4C. Os yw'r Tendirwr neu'r rheini sydd yn cynghori unrhyw Dendirwr yn gwneud unrhyw ymgais i ganfasio unrhyw un o weithwyr neu asiantau S4C yn gysylltiedig â'r broses gystadleuol hon neu yn gwneud ymgais i gael gwybodaeth gan unrhyw un o weithwyr neu asiantau S4C ynglŷn ag unrhyw sefydliad arall sydd yn tendro, yna bydd gan S4C yr hawl i anghymwyso ymateb y Tendirwr hwnnw yn nisgresiwn llwyr S4C.

6.15 Cyfraith Lywodraethol

Llywodraethir yr GID hwn gan gyfreithiau Cymru a Lloegr ac mae pob Tendirwr yn cytuno, trwy ddychwelyd ymateb tendro, ymrwymo i awdurdodaeth llwyr-gyfyngedig llysoedd Cymru a Lloegr.



ATODIAD 1

CYTUNDEB

YN DDAROSTYNGEDIG I GYTUNDEB

(Gweler y ddogfen ynghlwm)

ATODIAD 2

MATRICES GWERTHUSO

Sgôr	Categori	Proffeil
0	Ymateb sero / Gwan iawn	Methwyd â mynd i'r afael â gofynion S4C neu does dim tystiolaeth wedi ei ddarparu i fynd i'r afael â gofynion S4C.
1	Gwan	Cynnig gwan o ran mynd i'r afael â gofynion S4C neu gyda thystiolaeth gwan i gefnogi y byddai'r cynnig yn cael ei gyflawni, sydd â bylchau mawr, nad yw'n argyhoeddi mewn sawl ffordd neu sydd â diffyg credadwyedd difrifol.
2	Llai na Boddhaol	Cynnig sy'n llai na boddhaol o ran mynd i'r afael â gofynion S4C neu sydd â thystiolaeth cefnogol llai na boddhaol, sydd â bylchau cymedrol neu sy'n amherthnasol neu'n methu ag argyhoeddi.
3	Boddhaol	Cynnig boddhaol o ran mynd i'r afael â gofynion S4C neu sydd â thystiolaeth boddhaol y byddai'r cynnig yn cael ei gyflawni ond sydd â mân fylchau neu sy'n methu ag argyhoeddi i raddau neu sydd â diffyg credadwyedd.
4	Da	Cynnig da i fynd i'r afael â gofynion S4C sydd â thystiolaeth da i gefnogi y byddai'r cynnig yn cael eu cyflawni sy'n ddigonol (mewn termau ansoddol), yn argyhoeddi ac yn gredadwy.
5	Arbennig	Cynnig arbennig sy'n mynd i'r afael â ac yna'n rhagori ar ofynion S4C mewn ffordd y mae S4C yn ystyried sy'n cynnig ymarferoldeb, gwasanaethau neu safonau (fel sy'n berthnasol) ychwanegol sy'n gost-effeithiol ac y gellir eu cyflawni ac sydd â thystiolaeth arbennig i gefnogi y byddai'r cynnig yn cael eu cyflawni, sy'n gyson, cynhwysfawr a chymhellol.



ATODIAD 3

FFURFLEN WYBODAETH SYLFAENOL

(Gweler y ddogfen ynghlwm)